

REGIONAL NEWS UNIT
ALL INDIA RADIO, SILCHAR

EVENING BULLETIN : BENGALI

Date:- 23-04-2018

Time : 07:55-08:05 hrs

আজকের বিশেষ বিশেষ সংবাদ হলো

- ১) উপরাষ্ট্রপতি এম ভেংকাইয়া নাইডুর ভারতের প্রধান বিচারপতি বিরুদ্ধে আনা মহা অভিযোগ প্রস্তাব খারিজ ।
- ২) মেঘায়লে স্ব-সম্ভ বাহিনীর বিশেষ ক্ষমতা আইন সম্পূর্ণরূপে প্রত্যাহার ।
- ৩) সমগ্র দেশের সঙ্গে বরাক উপত্যকায় ও আজ থেকে ২৯তম সড়ক সুরক্ষা সপ্তাহ পালন শুরু ।

এবং

- ৪) আগামীকাল পঞ্চায়েত দিবস উপলক্ষে গ্রামাঞ্চলের উন্নয়নের জন্য রাজ্য সরকারের বেশ কিছু প্রকল্প গ্রহন ।

বিস্তারিত :-

উপ-রাষ্ট্রপতি তথা রাজ্যসভার চেয়ারপার্সন এম ভেঙ্কাইয়া নাইডু আজ কংগ্রেস সহ অন্যান্য বিরোধী দলের ভারতের প্রধান বিচারপতি দীপক মিশ্রের বিরুদ্ধে আনা মহা-অভিযোগের প্রস্তাব খারিজ করেছেন । সরকারী সূত্রে জানানো হয়েছে যে বিরোধীদের এই অভিযোগ সম্পর্কে উপ-রাষ্ট্রপতি শ্রী নাইডু আজ লোকসভার প্রাক্তন সচিব সুভাষ ক্যাশপ , প্রাক্তন আইন সচিব পি কে মালহোত্রা ,সুপ্রিম কোর্টের প্রাক্তন বিচারপতি সুর্দশন রেড্ডীর সঙ্গে আলোচনা করেছেন ।

উল্লেখ্য গত শুক্রবার কংগ্রেস সহ ছটি বিরোধী দল প্রধান বিচারপতি দীপক মিশ্রের বিরুদ্ধে খারাপ আচরন ও ক্ষমতার অপব্যবহারের অভিযোগ এনে মহা-অভিযোগের প্রস্তাব আনে ।

মেঘালয়ে ১৯৫৮ সালের সশস্ত্র বাহিনীর বিশেষ ক্ষমতা আইনটি সম্পর্নরূপে প্রত্যাহার করা হয়েছে । কেন্দ্রীয় স্বরাষ্ট্র মন্ত্রনালয় সূত্রে জানানো হয়েছে যে রাজ্যটির নিরাপত্তা ব্যবস্থা উন্নত হওয়ার প্রতি লক্ষ্য রেখে এই আইনটি প্রত্যাহার করা হয়েছে । এই নির্দেশ ৩১শে মার্চ থেকে কার্যকরী করা হয়েছে । সূত্রে আরও জানানো হয়েছে যে অরুনাচল প্রদেশের টিরাপ, সাংলাং এবং লংভিং জেলা সহ আসামের সীমান্তবর্তী ১৬টি থানা এলাকায় বলবৎ থাকা এই আইনটির পরিসীমা ৮টি থানা এলাকায় হ্রাস করা হয়েছে ।

সড়ক পরিবহন এবং মহাসড়ক মন্ত্রক আজ থেকে ২৯ তম সড়ক সুরক্ষা সপ্তাহ পালনের আয়োজন করেছে । আমাদের সংবাদদাতা জানিয়াছেন যে কেন্দ্রীয় স্বরাষ্ট্র মন্ত্রী রাজনাথ সিং ও সড়ক পরিবহন মন্ত্রী নিতীন গাডকাড়ি

আজ নতুনদিব্লীতে আয়োজিত এক অনুষ্ঠানে সড়ক সপ্তাহ কার্যসূচীর সূচনা করেন । সপ্তাহব্যাপী এই কার্যসূচীতে সড়ক দুর্ঘটনার বিভিন্ন কারন এবং তা রোধে নানা কার্যসূচী গ্রহন করা হবে । ছাত্র ছাত্রী, গাড়ীর চালক ,পথচারীদের ও এউপলক্ষে আয়োজিত কার্যসূচীতে অংশ গ্রহনের মাধ্যমে এই সপ্তাহ সম্পর্কে সচেতন করার প্রয়াস করা হবে । মন্ত্রনালয় সব রাজ্যসরকারগুলি ছাড়াও সংস্থা সংগঠন ও সংশ্লিষ্ট বিভাগগুলিকে ট্রাফিক নিয়মাবলী সম্পর্কে সচেতনতা বৃদ্ধি করতে নির্দেশ দিয়েছেন । উল্লেখ্য এই কার্যসূচী আগামী ৩০ শে এপ্রিল পর্যন্ত চলবে ।

হাইলাকান্দি জেলায় ও আজ থেকে সড়ক সুরক্ষা সপ্তাহ পালন শুরু হয়েছে । সপ্তাহব্যাপী এই কার্যসূচীর মাধ্যমে ট্রাফিক নিয়ম এবং সড়ক সুরক্ষা নিয়মাবলী সম্পর্কে জনসাধারণকে সচেতন করার প্রচেষ্টা করা হবে । জেলা পরিবহন আধিকারিক নূপেন কলিতা আজ একথা জানিয়ে বলেছেন যে বিভিন্ন কার্যসূচীর মাধ্যমে সড়ক সুরক্ষা সপ্তাহ সম্পর্কে জনসাধারণের মধ্যে সচেতনতা বৃদ্ধি করার প্রয়াস করা হবে । এবারের সপ্তাহব্যাপী সড়ক সুরক্ষার মূল বসয় হচ্ছে সড়ক সুরক্ষা - জীবন সুরক্ষা ।

সড়ক সুরক্ষা সপ্তাহ পালনের অঙ্গ হিসেবে আজ উধারবন্দের ময়নারবন্দে পথ সুরক্ষা সম্পর্কে সচেতনতা সভা অনুষ্ঠিত হয়েছে । জেলা পরিবহন আধিকারিক হমেন দাস সড়ক সুরক্ষা সপ্তাহের সূচনা করেন । এছাড়া পথচারী ,এবং গাড়ির চালকদের মধ্যে পথ সুরক্ষা বিষয়ে লিফলেট বিতরন করা হয় । আগামীকাল দিগরখালে এই উপলক্ষ্যে বিভিন্ন কার্যসূচী গ্রহন করা হবে ।

ডিমা হাসাও জেলার সদর হাফলংএও আজ সড়ক সুরক্ষা সপ্তাহ পালন উপলক্ষে সচেতনতা সভা অনুষ্ঠিত হয়েছে। সভায় বিভিন্ন গাড়ি, অটো রিক্সা, মটোর বাইকের চালকরা অংশগ্রহন করেন। এছাড়া আগামী ৩০ শে এপ্রিল পর্যন্ত সড়ক সুরক্ষা সপ্তাহ উপলক্ষে জেলার বিভিন্ন স্থানে সচেতনতামূলক সভা, হেলমেটের ব্যবহার ইত্যাদি বিষয় নিয়ে সভা অনুষ্ঠিত হবে।

যোগ শাস্ত্রে ডিপ্লোমা করা থাকলে ফিজিও থেরাপির স্নাতক স্তরে ভর্তি হতে অগ্রাধিকার দেওয়া হবে বলে জানিয়েছে বিশ্ববিদ্যালয় মঞ্জুরী কমিশন। কেন্দ্রীয় মানব সম্পদ উন্নয়ন মন্ত্রক অনুমোদিত উচ্চ-স্তরের বিশেষজ্ঞ কমিটি প্রস্তাব করেছে যে যোগ বিদ্যায় পারদর্শি হলে অন্য ছাত্রদের থেকে অগ্রাধিকার দেওয়া হবে। উল্লেখ্য ২০১৬ সালের মে মাসে বিশ্ববিদ্যালয় মঞ্জুরী কমিশন দেশের সব বিশ্ববিদ্যালয়কে স্নাতক ও স্নাতকস্তরের পাঠ্যক্রমে যোগ ব্যায়ামকে পাঠ্যসূচীর অন্তর্ভুক্ত করতে প্রস্তাব দিয়েছিল।

কেন্দ্রীয় মাধ্যমিক শিক্ষা পরিষদ সি বি এস ই র অধীনে বিদ্যালয়ের নবম শ্রেণী থেকে দ্বাদশ শ্রেণীর ছাত্র ছাত্রীদের পাঠ্যক্রম সহ প্রতিদিন বাধ্যতামূলকভাবে স্বাস্থ্য ও শারীরিক শিক্ষার পাঠ গ্রহন করতে হবে। এই ব্যবস্থা এক যোগ্যতা নির্নয়কারী বিষয় হিসেবে বিবেচিত হবে এবং এর জন্য গ্রেড দেওয়ার ব্যবস্থা করা হবে। পরিষদের অধীন দশম ও দ্বাদশ শ্রেণীর পরীক্ষায় অবতীর্ণ হোয়ার যোগ্যতার জন্য এই বিষয়টি বাধ্যতামূলক হবে। সি বি এস ই র একজন শীর্ষ আধিকারিক জানিয়েছেন যে বিদ্যালয়ের শিশুদের মধ্যে বৃদ্ধি পাওয়া মেদবহুলতার সমস্যা রোধ করার উদ্দেশ্যে এই পদক্ষেপ গ্রহন করা হয়েছে। এর জন্য পরিষদ ১৫০ পৃষ্ঠাব্যাপী ক্রীড়া বিষয়ক নির্দেশনা ও ব্যবস্থাবলী প্রস্তুত করেছে।

এক হাজার ৩০৮ জন ভারতীয় মহিলা এবছর এই প্রথমবারের জন্য পুরুষ অভিযাবক ছাড়া হজ যাত্রা করবেন। কেন্দ্রীয় সংখ্যালঘু উন্নয়ন বিভাগের মন্ত্রী মুকতার আক্বাস নকভি গতকাল একথা জানিয়ে বলেন যে মহিলাদের লটারীর মাধ্যমে নির্বাচন করে হজ যাত্রার জন্য অনুমতি প্রদান করা হয়েছে। তিনি বলেন যে এই হজ যাত্রীদের সংগে হজ সহায়ক পাঠানো হবে এবং তারা হজ যাত্রীদের সুযোগ সুবিধা সহ সব ধরনের দেখাশুনা করবে। শ্রী নকভি বলেন যে স্বাধীনতার পর এই প্রথম বার অভিলেখ সংখ্যক ১ লক্ষ ৭৫ হাজারের ও বেশী হজ যাত্রী ভারত থেকে হজ যাত্রায় অংশ গ্রহন করবে। প্রধানমন্ত্রী নরেন্দ্র মোদী নেতৃত্বাধীন কেন্দ্রীয় সরকার এইবার পর পর ২ দ্বিতীয়বছরের জন্য ভারত থেকে হজ যাত্রার জন্য সংরক্ষিত আসন বৃদ্ধি করতে সক্ষম হয়েছে।

প্রধানমন্ত্রী রাষ্ট্রীয় উন্নয়ন প্রকল্পের অধীনে আসাম সরকারের পঞ্চায়েৎ এবং গ্রামন্যায়ন বিভাগ রাজ্যের গ্রামাঞ্চলের উন্নয়নের জন্য বেশ কিছু প্রকল্প রূপায়ন করেছে। এর মধ্যে প্রধানমন্ত্রী গ্রামীন আবাস যোজনার অধীনে রাজ্য সরকার ২০২২ সালের মধ্যে সব গৃহহীন লোকেদের একটি করে ঘর প্রদান করার সিদ্ধান্ত গ্রহন করেছে। আগামীকাল পঞ্চায়েত দিবস উপলক্ষে রাজ্যের পঞ্চায়েৎ এবং গ্রামোন্নয়ন মন্ত্রী নব কুমার দলে রাজ্য সরকারের গৃহীত উন্নয়নমূলক প্রকল্পের বিষয়ে জানান। এই প্রকল্পের হিতাধিকারী নির্বাচনের জন্য আর্থ সামাজিক জাতি গণনার সাহায্য নেওয়া হয়েছে বলে সরকারী সূত্রে জানানো হয়েছে।

এছাড়া প্রতিটি গৃহ নির্মাণ বাবদ হিতাধিকারীরা নিজেদের ব্যাঙ্ক একাউন্টে তিনটি কিস্তিতে ১ লক্ষ ৩০ হাজার টাকা করে পাবেন। গ্রামাঞ্চলে কর্মসংস্থানের সুবিধা গ্রহনের জন্য এবং গ্রামাঞ্চলের লোকেদের আর্থিকভাবে

স্বচ্ছল করে তোলার উদ্দেশ্যে গৃহীত মহাত্মা গান্ধী রাষ্ট্রীয় গ্রামীণ নিয়োগ নিশ্চিতকরণ প্রকল্পের অধীনে কাজ করতে আগ্রহীদের গ্রামপঞ্চায়েতে আবেদন করতে হবে । রাজ্য সরকার সামাজিক সুরক্ষা এবং সমাজের কল্যানের উদ্দেশ্যে দারিদ্র সীমারেখার নীচের প্রবীন পুরুষ মহিলা ,বিধবা এবং দিব্যাঙ্গদের পেন্সন প্রদানের ব্যবস্থা গ্রহন করেছে । এই প্রকল্পের অধীনে হিতাধিকারীদের প্রাপ্য অর্থ তাদের একাউন্টে সরাসরি হস্তান্তর করার ব্যবস্থা গ্রহন করা হয়েছে । এছাড়া জাতীয় গ্রামীণ জীবিকা অভিযান ,দীনদয়াল উপাধ্যায় গ্রামীণ কৌশল যোজনা ,কনকলতা মহিলা সবলিকরণ যোজনা এবং আমার গ্রাম আমার প্রকল্পের অধীনে গ্রামগুলির সর্বাঙ্গীন বিকাশের উদ্দেশ্যে সরকার বেশ কিছু প্রকল্পের কাজ শুরু করেছে ।

এদিকে গ্রাম স্বরাজ অভিযান কর্মসূচীর অধীনে করিমগঞ্জ জেলার ৯৬ টি গ্রাম পঞ্চায়েতের সবকটিতেই আগামীকাল গ্রাম সভার আয়োজন করা হয়েছে । এউপলক্ষে জিপিগুলিতে চালু থাকা কর্মসূচীগুলি সম্পর্কে সচেতনতা বাড়াতে বিভিন্ন কার্যসূচীর আয়োজন করা হয়েছে । কার্যসূচীর মধ্যে রয়েছে প্রভাত ফেরী, ক্রীড়া ও সাংস্কৃতিক অনুষ্ঠান ইত্যাদি । এছাড়া গ্রামীণ এলাকার উন্নয়নে মহিলাদের ভূমিকা ও নিরাপদ পানীয় জলের ব্যবহার নিয়ে আলোচনা করার ব্যবস্থা করা হবে । এছাড়া পঞ্চায়েতরাজ সংক্রান্ত সংবিধানের ৭৩ তম সংশোধনী সম্পর্কে সচেতনতা বাড়াতে ২৪ শে এপ্রিল দিনটির তাৎপর্য নিয়ে ও,আগামীকাল আলোচনা করা হবে ।

মনিপুরে আজ ১৮৯১ সালের এংলো মনিপুর যুদ্ধের বীর শহিদদের প্রতি শ্রদ্ধা জানাতে খংজম দিবস পালন করা হয়েছে । মনিপুরের রাজ্যপাল ডঃ নাজমা হেফতুল্লা এবং মুখ্যমন্ত্রী এন বিরেন সিং খংজম যুদ্ধ স্মৃতি স্থলে বীর শহিদদের প্রতি পুষ্পার্ঘ অর্পন করেন । এই উপলক্ষে আয়োজিত অনুষ্ঠানে

রাজ্যের মন্ত্রী, বিধায়ক, সহ বিভিন্ন বিভাগীয় আধিকারীক এবং মনিপুরের জনসাধারণও অংশ গ্রহন করেন ।

ডিমা হাসাও জেলার মাইবং মহকুমার পুরোনো মাইবংএ আজ এক ১৬ বছরের কিশোরী শ্লীলতাহনীর্ ঘটনার স্বীকার হয়েছে । হিন্দুস্থান সমাচার সূত্রে জানা গেছে যে আজ বেলা প্রায় ১১ টা নাগাদ আখতার হুসেন নামের এক যুবক কিশোরীটির একাকিত্বের সুযোগ নিয়ে তার ঘরে প্রবেশ করে এবং ময়েটির শ্লীলতাহনী করে পালিয়ে যাবার সময় আশেপাশের মানুষ জড়ো হয়ে যুবকটিকে পাকড়াও করে পুলিশের হাতে তুলে দেয় । পরে উত্তেজিত জনতা থানা ঘেরাও করে অভিযুক্ত যুবককে তাদের হাতে তুলে দেবার দাবী জানান।এদিকে ডিমা হাসাও জেলার বিভিন্ন মহিলা সংগঠনও এই ঘটনার সঙ্গে জড়িত দোষী ব্যক্তিকে প্রকাশ্যে ফাঁসি দেওয়ার দাবী জানায় । মাইবং এর পুলিশ আধিকারিক মায়াক্স কুমার এই ঘটনার উপযুক্ত তদন্ত করে প্রকৃত দোষী ব্যক্তিকে কঠোর শাস্তি প্রদান করা হবে বলে আশ্বাস দেন ।

শনবিল পূর্বাঞ্চল মেডিকেল কলেজ ডিমান্ড কমিটির পক্ষ থেকে গত শনিবার হাইলাকান্দি সফররত রাজ্যপাল অধ্যাপক জগদীশ মুখির কাছে একটি স্মারকপত্র দিয়ে শনবিলের পূর্বাঞ্চলে মেডিকেল কলেজ স্থাপনের দাবী জানানো হয়েছে । স্মারক পত্রে উল্লেখ করা হয়েছে যে শনবিলের পূর্বাঞ্চলে কয়েক হাজার বিঘা খাস জমি রয়েছে । স্মারকপত্র প্রদানকালে প্রতিনিধি দলে ছিলেন কমিটির সভাপতি অনিল দাস , সম্পাদক শশাক্ষ শেখর দাস ,কল্লোল চৌধুরী , নরুল আলম তাপাদার প্রমুখ ।

পূর্ত্ত বিভাগের সহকারী কার্যবাহী বাস্তুকার এক বিজ্ঞপ্তীতে জানিয়েছেন যে শিলচর শহরের দিক থেকে সদরঘাটের বরাক সেতুতে উঠার জায়গায় কিছু কারিগরী সমস্যা দেখা দেওয়ায় আগামীকাল থেকে এক সপ্তাহ পর্যন্ত যানবাহন চলাচলে কিছুটা সমস্যা হবে । আগামী সাত দিন বরাক সেতুতে যানবাহন এক দিকেই চলাচল করবে বলে বিজ্ঞপ্তীতে জানানো হয়েছে ।

-----সমাপ্ত-----